



UNIVERSITÄTS-
BIBLIOTHEK
PADERBORN

Universitätsbibliothek Paderborn

**De Vita, Et Gestis S. Francisci Xaverii È Societate Iesv
Indiarvm Apostoli Libri Qvatvor**

Bartoli, Daniello

Lvgdvni, 1666

Nobilissime Domino, D. Dominico De Ponsaimpierre, ...

urn:nbn:de:hbz:466:1-10854



NOBILISSIMO DOMINO,
D. DOMINICO
DE PONSAIMPIERRE,

Lugdunensium Exconsuli, & commercij
Gallici apud Orientales Indos meritissimo
Directori, &c.

ESTIMONIVM fuit tuæ
apud populum gratiæ, &
sapientiæ, (vir Nobilissime) pur-
pura consularis, quam tibi Lu-
gdunum pro tuis ingentibus
meritis propensissimo studio nu-
per contulerat: sed præconium
est tuæ apud Regem existima-
tionis, & prudentissimæ scler-

ã 2 tia

EPISTOLA.

tia, quod tibi, & coram, & sapius humanissime audito, multisque pridem in rebus perspecto, Societatem commercij Gallici apud Indos, Lugdunensium nomine regendam credidit. Curis itaque urbanis per legitimum biennium honorifice defunctus, in alias curas suffragio Regio lectus es, & transcriptus; sed eò prioribus grauiores, quòd omnes euentus, (ex quibus fere homines cuncta metiuntur) habent è mari ventisque suspensos; violentissimis, inquam, & perfidiosissimis commerciorum ministris, & dominis. Quare ex mea veteri erga te, singularique
obseruan

obseruantia facturum putauī,
ſi tibi Patroni tutelam deferrem,
cuius arbitrio Deus ventos, &
maria ſubderet; Is verò eſt S.
Franciſcus Xauerius, ſupre-
mo Eccleſiæ Oraculo Indi-
arum Apoſtoli cognomentum; In-
dorum conſenſu Magni Partis
nomen conſecutus. Hunc tibi
repræſentat hic liber, nauigan-
tium ad Indos, non æternis mo-
dò, ſed temporariis etiam ratio-
nibus, potenter, ac mirabiliter
conſulentem; tempeſtatum,
cælique adeò ipſius in eorum
gratiam, iras & exitia, frangen-
tem, ac vel vnâ ſui depictâ ima-
gine, malo nauium affigi ſolita,

EPISTOLA.

toti Oceano eiusque casibus
dominantem. Hinc certo con-
fido, fore vt tuæ commissa fidei
transmarina negotiatio, portus,
auras, cœlum, fluctus & omnia
experiatur secunda, & prospera;
nec enim dubito Christianam
tuam in tantum Patronum
pietatem, Regi Christianissimo,
& Regno suas prudentiæ, & vi-
gilantiæ operas nauantem, suc-
cessus commodos, exitusque fe-
lices, de illius tutela ducturam,
quos tibi votis omnibus à Deo,
& sperat, & flagitat,

Lugd. 1. Oct. 1665.

Obsequentissimus & Addictissimus
Servus, LVD. IANENVS.